

---

# PENTAGRAM MBI NATË PA YJE

---



*~ Mimoza Agalliu ~*

---

## *1 Me gjuhën e së tërës*

*Fjalët e ngjyera në verë të kuqe*

*e kapercejnë kohën*

*dhe shqiptojnë urimet e lëna mënjanë*

*për të kujtuar çastin fatlum.*

*Ritual abstrakt*

*gjuha që lidh dy kohë fjalësh*

*sepse sytë e thonë më mirë*

*atë çka thuhet por harrohet*

*heshtja*

*ajsberg ndjenjash*

*flet me gjuhën e së tërës*

## **2 Sërisht këtë natë**

*Të kisha premtuar e betuar...*

*për ty s'do kisha më mall,*

*por zemra nuk pyet për betime.*

*erdha pranë pa zhurmë e fjalë.*

*Askund s'të pashë,*

*qoftë dhe për një cast.*

*Me muzgun largohem,*

*duke tërhequr lotin e heshtur zvarrë.*

*E di...*

*me zemrën tënde je duke u grindur.*

*Eh, sikur t'a dije do të vije pranë.  
Lotin të thanim vështrimit të zjarrtë,  
jetën t'a fillonim sërish këtu natë.*

### ***3 Kur qyteti fle***

*Vështrimi ndez errësirën,  
e shndërron në flakë.  
Freskia flladitëse zgjon jetën,  
i jep dimension të ri.  
Yjet kërkoj hapësirës.  
Arrij t'i mbledh, t'i sjell në sy.*

*E përhumbur mes qetësisë,  
agimin shpresëprurës pres qetë.  
Hëna nëpër natë luan me një re...  
unë, mes buzëqeshjes  
puth qytetin tim kur fle!*

### ***4 Fëmijëria***

*Poemë e mbetur sirtarëve të harruar,  
e brishtë, pa bujë e reklamë!  
Kështu ngele ti, fëmijëria ime ëndrraplot .  
Gdhendur në kohë pa fjalë!*

*Kujtimet varur, mbuluar nga e gjata pritje.  
Këngë e pakënduar, poezi e ngecur në grykë.  
Fëmijëria ime!  
Buzëqeshje e ngrirë mbi vështrim pafajsie .*

*U rritëm shpejt.  
Gjurmët e fëmijërisë na mbetën larg !*

*Rendëm të kapnim ëndrrat ,  
siç gjurmonim dikur,  
xixëllonjat mbrëmjeve në pranverë !  
Me dhimbje në shpirt konstatova;  
kohën që kish ngelur kacavjerrë mbi manaferrë*

## **5 Ritmi i kohës**

*Kohë e trullosur*

*gënjeshtrove elegante.*

*Mbi durim të vrarë*

*trupin shtriq,*

*pikëpyetjet...*

*mbi sofër i ul këmbëkryq*

*Zëri i zhytur*

*pabesisë rituale,*

*përcjell heshtje tinzare.*

*Mbyllet sipar premtimesh!*

*Hapet sipar shpresëdrobitur*

*Një tjetër start zvarritjesh,*

*për njerëz me zemërtronditur*

*-A do të mundemi një ditë ne...*

*të rendim ritmit kohës?!*

**6 Nuk e di...**

*Shumë kohë nga jeta ime*

*dua të të dhuroj natyrë.*

*Frymën mbush mushkërive të tua.*

*Kur udhëtimin nis*

*drejt kraharorit tënd të gjërë,*

*në tërë qënien time derdh pranverë.*

*Rend pastaj fushave të blerta,*

*i gëzohem ledhatimit si fëmia,*

*kur bari luan me gjurmët e mia.*

*Sakaq lumturia ...si ujë burimi,*

*vesh kristale vështrimit tim të ngazëllyer.*

*Nuk e di; a quhet kjo, një dashuri e këmbyer?*

## **7 Dua të shkoj larg...**

*Veten kam humbur*

*nëpër labirinthe të kohës moderne,*

*që si një hije e çuditëshme,*

*zgjatet mbi rrudhat e mia t'i prekë.*

*Diku në një skutë të saj,  
edhe ti vrapoje të gjeje strehë.*

*Sëbashku, lidhur kurorë  
drejt së ardhmes vrapojmë,  
por përsëri na mban të ndarë  
kjo e pamëshirëshme kohë.*

*Ndërsa mbi supe mbajmë  
kohën e pa kohë,  
bota ecën mbrapsht  
duke treguar gjiret shterpë të saj.  
Kam humbur veten qorrsokakëve,  
dua të shkoj larg...*

*Të ndodhem dua...  
ku pihet ujë qetësisht,  
jastëku qiellor  
të më lexojë ëndrrat kaltërsisht.*

*Të arratisem ...*

*të freskohem në ujrat e lumit 'Jordan',  
ku loti bëhet vesë, puthja valë  
e fryma me erën ngjan,*

*Pastaj... oh pastaj të kthehem  
vetëm atëhere, kur bota të ecë mbarë.  
Kam humbur veten fjalëkryqeve pa zgjidhje,  
ndaj ... dua të shkoj larg.*

### ***8 Dashuri hyjnore***

*Dashuri ndryshe  
që vjen me fuqi dinosauri  
dhe drejt së ardhmes  
zvarrit veladonin tënd të purpurt  
ke lindur në vorbullën e pafajësisë  
në terrin e mëngjër të meteorit, zbutesh  
prej lotit të dhimbjes që s'rresht  
fal tokë e qiell për një vështrim  
shkëmben shpirtrat në udhën e syve  
ku kapilarët e hollë*



*shtypur prej gishtrinjëve  
ndeziu tingujt e gjakut  
deri ne vrazhdesi  
puthja ndjek ritmin e zërave të heshtur  
të dridhur  
nga parajsa në ferr  
Dashuri që lind e heshtur  
dhe vdes zhurmshëm ndonjëherë*

## **9 Kur dielli ngroh valën**

*Shkëputem nga zhurma,  
të kuvendoj me valën,  
në hapësirën e kaltër,  
të gjërë, shoh sytë e tu,  
në shpatet e kodrave  
marr tëndin për qafim.  
Nëse dielli i nxehtë,  
më djeg pak shpinën...  
shtëpia e shpirtit tim,  
mbetet midis jetës vdekjes,*

*në këtë jubile të një ditë plot rreze,  
ashtu si, sytë e tu plot gjallesë.  
Ndaj, të lutem,  
merre në këngën tënde, puthjen time,  
vishja atij lisi të fortë,  
ta mbajë gjithnjë ngrohtë,  
në natyrën e qetë të jetëve tona,  
zbukuruar në dekore puthje - përkëdhelje,  
derisa të rrahin këto dy zemra të brishta,  
por të forta,  
si vetë trungu i tyre,  
rrënjosur thellë viteve,  
sepse dielli do të vazhdojë  
të ngrohë valën, ende,  
për shumë kohë...*

### ***10 A ka matje dashuria?!***

*Kam provuar disa herë  
të mat dashurinë për Atë,  
Mendimet*

*shpërhapen hapësirës,  
midis qiellit e tokës,  
Në çdo vend  
shoh të më shfaqet,  
ai trup  
që lëviz  
hijshëm nëpër lëndina;  
Ndonjëherë mendjes sime  
e fantazoj  
ulur në një fron si mbret.  
(E pyes veten: “Në fakt  
çfarë ka mbreti?!)  
Filloj arsyetimin:  
Mbret është ai, pushtuesi  
i një zemre,  
di ta ushqejë e udhëheqë  
ndjenjën e vet,  
mes pasionit dhe përkujdesjes  
së jashtëzakonshme ...  
Ndodh,  
Zemra ime rebelohet,*

*Ai hesht,*

*merr dorën*

*e vendos në rrahje,*

*aty, gjithçka ngrin,*

*qetohet...*

*Heshtje!...*

*Shpirti më merr,*

*duke më shndërruar*

*në udhëtar shëtitës*

*në skajet më të largëta*

*të tokës,*

*Atje...,*

*Ku u fshehka*

*magjishëm dashuria!*

*E veçanta:*

*Vetëm ne të dy,*

*ndodh të pëshpërisin ...*

*Cicërima zogjsh mbi flokë,*

*kur valët*

*përpijnë shpirtërat tanë*

*njëkohësisht,*

*ndodh*

*të pijmë*

*ndonjë gotë lotësh*

*në matje të dashurisë...*

*Treguesi arrin vonë...*

*\*\*\**

### ***1 Sa ftohtë këtë natë!***

*Era e ftohtë përplasat mbi shpinën time,  
Gjethet jargavanësh varur kokën,  
Pllakëzat poshtë këmbëve ngrirë,  
Një rrënqethje trupi vesh zemrën acar,  
Qielli pemëve u ka veshur mantel gri,  
Buzëqeshjet e njerëzve venitur para diellit të  
munguar,  
As zogjtë s'këndojnë këtë buzëmbremje,  
Unë, bashkë me zogjtë,  
paskam shumë ftohtë këtë natë...*

### ***2 Vrite dhimbjen...***

*Një pikë loti ra mbi bar,  
dikush me këmbë e shkeli,  
Toka e përpiu, e bëri baltë,  
Askush nuk e pa...*

*Disa pemë pranë përjetonin  
diellperëndim.  
Sa lot janë kthyer në përbaltije  
mbi këtë tokë,  
pa asnjë dëshmitar,  
shpirtkëputur dhimbje, duke vrarë?!...*

### ***3 Me frymë petalesh...***

*Çudi...!  
Kur rrufe të sjell ndër duar  
grushthapur më dhuron  
Flakë...  
Ndodh  
mërzitem nga retë,  
Ti  
qiellin hap,  
dialog me diellin  
duke përcjellur  
Erën,  
kur mbi flokë ta sjell,  
Buzët gjallëron  
me frymë petalesh...  
Kur ndal shiun  
mbi trupin tënd,  
buzëve,  
ua than etjen,  
Diellin, kur ta sjell*

*zbut nxehtësinë e tij  
nën hije pemësh.  
Pranë ta sjell  
Detin,  
më sjell mbi supe  
pulëbardhë perëndore.  
Sa çudi me ty!*

#### ***4 Rrugë meteori***

*Rrugë meteori  
m'u bëre,  
derisa  
në oqean të thellë  
u shua,  
Hëna  
lotonte  
në heshtje,...  
Zgjata  
vështrimin,  
pashë  
fytyrën tënde  
ne sytë e hënës,  
Degë pemësh,  
kryqëzuar  
trishtueshëm,  
varnin krahët  
mbi muzg...*

## *5 Shpirti rënkon*

\* \* \*

*Shpirti rënkon  
në heshtje...  
Gjaku pulson  
vrullshëm në deje...  
Shpirti dhe gjaku  
pse nuk bëjnë paqe  
me ndjenjën ?!*

\* \* \*

*Qiellit ia fshiva  
lotët,  
Retë ia mblodha  
në grusht,  
U çelën lulet  
kaltërsisë,  
Lumenjtë rendnin  
çmendurisë...*

\* \* \*

*Degëveshurat  
me gjethe pranvere,  
pikturoheshin  
Mbi valet e lumit  
të thellë,*



*Piktura  
arratisej në qiell..*

*\* \* \**

*Bari kundërmonte  
aromë vese mëngjesore,  
Nga lotët kristalinë  
pikuar,  
varin kokën zymbylat  
për të rikandiduar  
në zgjedhjet e dyta...*

*\* \* \**

*Përroi humbi rrugën,  
në rrënjët e lisit të moçëm...  
Gjethet u shkëputën pemës,  
ranë mbi lumë...  
Jeta, mes lulesh,  
më dehte aromës,  
shpëtuam, së fundi,  
nga pranvera e pluntë...*

## **6 Aromë bari**

*Gjethëkurorë  
syve  
u bëjnë  
strehë,  
Krahëdegësh*

*përqafuar  
në heshtje,  
Një urë  
zemrat  
sjell  
pranë,  
Aromë  
barnjomë  
deh  
dy  
trupa,...  
Fëshfërima  
gjethesh  
shkrihen  
ndër  
puthje,  
Dielli  
deh  
me rreze  
pranvere;  
Një  
varkë  
nis  
udhëtimin  
mbi valë,  
për tutje...*

## **7 Tingull puthje**

*Tingull,  
depertuar qiellit,  
oshëtin puthja,  
Larg,  
mijëra dritëyje,  
më shpije...  
Afrohet,  
largohet,  
aty,  
mbetet përsëri...  
Mbi buzët e mia,  
Simfoni  
ujëvare sjell,  
derdhet si  
rreze e gjatë  
pafundësie,  
Me aromë  
gjethepranvere  
më mbështjell,  
Vesë  
pikon  
mbi çdo qelizë,  
ngjyros sytë:  
përçon  
dritë universi ...*

***8 Pentagram mbi natë pa yje***

*Natë pa yje,  
Hëna fshehur tinëzisht,  
dridhje e trembur, njerëz tremb;  
Errësirë me pikëpyetje,  
pikëçuditëset përkund  
Në ç planet je ?!  
Me ç frekuencë je lidhur?!  
A ka shpirti ftohtë ?  
Ke frikë kësaj nate të pustë?!  
Dorëmpira fërkon dhimbje,  
Truppërmbysurit shpirtin  
lënë peng vetmisë,  
E pakuptimtë kjo natë pa dritë,  
Trullogaritsit lodhin ëndrrat,  
Endërrthyesit lindin shpresa për ardhmëri,  
Astmatikët numërojnë frymëmarrje,  
Kardiakët matin pulse,  
Internetasit vrasin orë,  
Qarje fëmijësh shkundin natën,  
Kukuvajkat përcjellin ekstrasistola,  
hapin gropa të djegura Duhanpirësit,*

*Duar rrëshqitëse mbi lëkurëbardhë pëshpëritin eros;  
Duardridhurit shtrëngojnë barela,  
Tingull puthje njomur buzësh të nxehta akullta,  
Shi- errësirë tret trupa lodhjes,  
Politikanet imazhojnë veten,  
këmbadoras mbi kokë votash  
Zotit i lutem, për pak bekim,  
Kthetra gllabërojnë meridianë në Glob,  
Sypërgjumërit  
drejtojnë direkë anijesh,  
valëdehur ëndrrave  
përplasen me errësirrën.  
Në një cep rruge  
katër rrota shuajnë një zemër,  
Në dritë neoni fustanbardha  
pikon lot kristali, verë, vesë.  
Tik-tak orë,  
Pika shiu mbi asfalt ndezin buzëqeshje,  
Kandilë të shuar vajtojnë,  
Poetët lodrojnë mes yjesh feksur qiellit.  
Optimistet dashurohen me meteorë,*

*Dy palë sy kërkajnë dritë,  
duke çjerrë errësirrën e natës,  
me refren jete në lindje.  
Sonte u luajt doremifasolasido,  
Natë e mbarsur rëndë,  
abortoi dhimbshëm agimit.  
Koha dëshmitare kthehu faqe të re,  
në zbardhërim të brishtë.*

## **9 S'vdes shpirti**

*Flatrim mes reve,  
Kandil i shuar nga dy sy,  
lotuar në errësirë,  
kërkajnë dy buzë,  
Drita vegimesh ndrin fytyra,  
në erë puthja prek buzë në aromë,  
Shpirti udhëtar i dashurisë  
jeton parajsën në dy botë.*

## **10 Arratisur**

*Aty mbeta gjithmonë,  
Krahut të dashurisë përqaftuar,  
dehur aromës barënjomë,  
Mahnitur shpirti duarve të tua,  
stolisur kurorë lulesh në ballëmpirë puthjeve,  
Sythe rënë flokëve djersirë,  
Natyra dhe unë,  
Ti dhe natyra, dashuruar në çdo grimcë ajri,  
Nektarë lulesh pijmë në buzë,  
aty mbetëm gjithmonë...  
Arratisur bilbilimit të zogjve në flatrim...*

## ***11 Sa rron dashuria?!***

*Dashuria s njihka moshë...  
Po vete dashuria moshë a ka?!  
Jo rastësisht kalon nëpër rrugica gjatoshë...  
Mund të ndodhë të shëtis,  
nëpër kthesa në humbje,  
ferrash mbuluar...*

*Eh, nëse ti, i dashur, nuk ecën në ritëm,  
Udhës së gjelbëruar,  
Humbëtirës do të zhytesh,  
sa, as zërin tim,  
s ke për ta dëgjuar,  
andaj të lutem,  
kthehu në një puthje të bekuar.  
Dua të mat moshën e dashurisë së vërtetë.*

## ***12 Kur ngjiz jetë në sytë e tu***

*Sytë e tu përkëdhelin butësisht vështrime,  
Bulëza të nxehta ngrohin trupa, lotin prek,  
s njoh formula në dashuri !  
Unë e preka, e jetova,  
lumturoj shpirtin.  
Pres të nesërmen  
të mbulohem me puthje pa fund,  
për Ty, dashuri e parë ,  
jam e fundit për ty,  
e tillë mbeta...*



*E di, kjo është e mundur.*

*S dua të humbas,*

*s do të shkoj larg,*

*duke lënë pas shpirtrat tharë,*

*nga etja për pak dashuri.*

*E ndjej prekjen tënde,*

*kam frikë mungesën tënde.*

*Ti jeton jetën time, unë prek çastin tënd,*

*ndërsa anija e jetës rrit shpejtësinë,*

*ndjej të të mbaj shtrënguar,*

*krahëhapur ditënetëve pa ndasi, pa ritual ndjenje.*

*Endrrat e mia janë prelud jete,*

*nëse do të më zgjojë nga kjo qetësi, do të hapja sytë të*

*të thosha:*

*“Më ler të fluturoj në Univers,*

*bashkë me ty të ngjiz jetë syve të tu!”*

~~~~~



## ***CURRICULUM VITAE***

*Emri: Mimoza*

*Atësia: Thoma*

*Mbiemri: Agalliu*

*E-mail: mimozaagalliu@yahoo.com*

*Kombësia: Shqiptare*

*Data dhe vendi i lindjes: 19.07.1962, Tiranë.*

*Statusi Civil: Martuar.*

### ***Arsimimi:***

*2009-2010 MASTER në Gjeografi Humane - Fakulteti Histori Filologji, UT: Menaxhim Mjedisi dhe Territori, në shkencat humane, Diplomë me Temë: “TË DREJTAT NDËRKOMBËTARE TË MINORITETEVE”.*

*2009-2010 MASTER për Menaxhim Spitalor dhe Publik - Universiteti “KRISTAL” (notë mesatare 9,5); - Diplomë me Temë: “Kujdesi Infermieror dhe Edukimi Shëndetësor në parandalimin e sjelljeve të rrezikshme për shëndetin te fëmijët e shkollave.*

1999-2005 UT - Fakulteti Histori - Filologji, Dega - Gjeografi Titulli: Mësuesi. "TË DREJTAT NDËRKOMBËTARE TË MINORITETEVE

2007- 2009 Fakulteti i Infermierisë - Universitetit "KRISTAL" (me notë mesatare 9,7);

1981-1983 Shkolla e Lartë për Nd/mjeko-Tiranë, (me notë mesatare 9,5);

1983- 1984 Kurs intensiv për gjuhën Angleze (Pasuniversitar).

1977-1981 Shkolla e Mesme e Përgjithshme "50 Vjetori i Pavarësisë" (me notë mesatare 9,4);

### **Njohuri për gjuhët e huaja:**

1996 Anglisht (me dëshmi, notë maximale) nga Universiteti i Tiranës - Fakulteti i Gjuhëve të Huaja. Kam njohuri, dhe për gjuhët: Italisht & Spanjisht.

### **Kualifikime profesionale:**

Qershor 2008 - Trajnuese pranë ASHR "Trajtimi dhe Parandalimi i Dhunës me bazë Gjinore në Sistemin Shëndetësor" (United Nations Population Fund). Fondi i Kombeve të Bashkuara për popullsinë.

Tetor 2003 - Trajnuar në kuadër të projektit: "Gratë në Udhëheqje", realizuar nga UNDP.

### **(Rrjeti i Grave Milenium):**

Prill 2002 Trajnuar në kuadrin e Projektit: "Gratë Mund t'ia Arrijnë".  
2 "Gender Task Force " i Paktit të Stabilitetit (Rrjeti i Grave Milenium )

*Mars - Prill - Universe Computer Center (UCE), për programet: Windows Profesional.*

*2002-2000 - Microsoft Word, Exel, Power Point ect.. me Çertifikatë,*

*2000-2002 - Provim për Doganiere pranë Drejtorisë së Doganave, fituese dhe vlerësuar me (70 pikë me gojë dhe shkrim) nën mbikqyrjen e OSCE-së organizuar nga Ministria e Financave (me dëshmi).*

*15 Mars 2006 - Anëtare Delegacionit Shqiptar “SPRING CONGRESS SESSION” për Qarqet Rajonale të Europës (Expert) Strasbourg,*

*29 Maj 2006 13 EME SESSION DU CONGRES (Expert) Strasbourg,*

*16 Tetor 2006 INSTITUTIONAL COMMITTEE-Salle 6, (English translator) Strasbourg,*

### ***Experiencë Profesionale:***

*2003 -2010 Pedagoge e jashtme në Fakultetin Publik të Infermierisë në Universitetin e Tiranës. Lënda: - Anglisht mjekësore,*

*2007-2013 Pedagoge e jashtme në Fakultetin e Infermierisë në Universitetin “KRISTAL” përkatësisht për lëndët:*

*- Infermieristike e përgjithshme - Teori infermierore,*

*- Tematike komunikimi - Infermierimi në Sëmundje të brëndshme,*

*Higjenë e aplikuar - Menaxhim Teritori dhe në kushtet e shtëpisë,*

*Formim profesional - Infermierimi në Obsentrikë Gjinekologji - Infermierimi në pediatri.*

*2010- 2013 Pedagoge e jashtme në Universitetin “Mbretëresha Geraldinë”*

*Për lëndët: - Kujdes infermieror në Neurologji - Psikiatri - Geriartri - Shëndet Mjedisor,*

*2006 -2007 Mësuese e Gjeografisë dhe Historisë më kohë të pjesëshme pranë ISPU. "ALPHA" (Instituti i Studimeve Para Universitare),*

*2003-2006 Këshilltare, Njësia Bashkiake Nr.6, (zv.kryetare e grupit socialist),*

*2011-2015 Këshilltare, Njësia Bashkiake Nr.6, (zv.kryetare e grupit socialist),*

*1991- 2015 Inspektore shëndetësie në ASHR- (Autoriteti Shendetësor Rajonal),*

*1983- 1991 Nd/mjeke në Klinikën e Neurologjisë Spitali nr, 5*

### ***CV Politike***

*1992 Anëtare e Partisë Socialiste dhe FGSSH.*

*Në veprimtarinë time politike dalloj si më të rëndësishme arritjet si më poshtë vijon:*

*- Organizatore dhe themeluese e PS në Nj. nr. 6 në vitin 1992,*

*Nga viti 1992 e deri më sot: Kryetare organizate në QV (qendra e votimit) 1858, 1858/1, 1958/2 në Tiranë.*

*Nga viti 1992 e deri në zgjedhjet e vitit 2013 (gjithmonë fituese në QV. 1958 me rezultat të lartë në rritje).*

*1992-2005 Komisionere në QV të Nj.Nr. 6 në Tiranë, për çdo zgjedhje.*

*1992-2000 Koordinatorë dhe përkthyesë e OSCE, ODHIR për Zgjedhjet në Nj.nr. 6, Tiranë.*

*1992 deri më sot: Pjesëmarrëse në të gjitha Kongreset e PS me të drejtë vote, dhe aktive në të gjitha aksionet politike të PS në Njësinë Bashkiake Nr. 6 dhe të Tiranës.*

*Nga viti 2000 deri në vitin 2005 Zv/kryetare e Komitetit Drejtues të PS-së në Njësinë Bashkiake Nr.6 në Tiranë.*

*Dy herë kandidatë për Kryetare të Njësisë Bashkiake Nr.6, përkatësisht në zgjedhjet e 2007 dhe të vitit 2011.*

*Në zgjedhjet parlamentare të vitit 2009 kam qenë vëzhguese në KZAZ e Njësisë nr.6 në Tiranë.*

*Aktualisht Këshilltare në Nj. Nr.6 në dy mandate 2003-2005 dhe 2011-2015*

*Qershor 2015 - kandidatë për këshilltare Bashkia Tiranë.*

### ***Shkrimtare:***

*Si shkrimtare kam një sërë botimesh si vijon:*

*- Vëllimi i parë poetik “ÇELNAJË” Prill 2013, vlerësuar me çmimin “POLEART” nga “PEGASI” Albania botuar dhe në: Gazetën e përjavshme elektronike “NEW LIFE” në NY USA; në:*

*<http://www.scribd.com/doc/144314109/Newsletter-Volume-5-Issue-21>  
(29, 31, 32, vazhdon.).*

*- Vëllimi poetik “SHTATORJA E KURORES“ Shtator 2013 në tre gjuhë.*

*Libri historiko-social “Mbrojtja Ndërkombëtare e Minoriteteve” Shtator 2013,*

*Kam në proces botimi Dy Vëllime poetike dhe një vëllim me Esse dhe Tregime;*

*Kam në proces përgatitjeje një Roman, një vëllim me tregime;*

*Autore e disa shkrimeve “Bukuria dhe Shëndeti në Fokus”;*

*Autore sistematike në Suplementin “Pena Shqiptare“, Poezi, Esse, Skica në gazetën “TELEGRAF”;*

*Autore sistematike në Gazetën letrare "MUZGU";*

*Autore pjesëmarrëse në 12 Antologji të gazetës ‘Muzgu’ me shumëllojshmëri tematikash;*

*Autore sistematike në Gazetën letrare "DRITA";*

*Autore në Gazetën ‘NACIONAL’;*

*Autore në Revista dhe gazeta në Diasporë si; “Fjala e lirë“, “Bashkimi Kombëtar“, “Dituria“, “ Pashtriku.org“, “Kosova Lindore“, etj.*

*Botime në gazetën e përjavshme “Horoskopi” faqja letrare.*

*Pjesëmarrëse në librin e ri të Prof.Murat Gecaj “Për ju krijuese“;*

*Pjesëmarrëse në librin e ri të Prof.Murat Gecaj “Me shpirt dashurie“;*

*Recezente e vëllimit poetik “Magjia e Mjaltimit”, maj 2013.*

*Pjesëmarrëse në veprimtari të ndryshme letrare dhe organizatore e disa veprimtarive letrare e shoqërore me Lidhjen, vlerësuar me çertifikata të ndryshme.*

*Nga viti 2010 e deri më sot jam Zv/kryeredaktore e Revistës dhe gazetës “PEGASI” Albania.*

*Pjesëmarrëse, si autore në Kolanën Antologjike (12 Vëllime) tek “Muzgu”.*

*Pjesëmarrëse, në Antologjine Poetike 2013 “Korsi e hapur” (anglisht, italisht)*

*Pjesëmarrëse, në Antologjine Poetike 2014 'Korsi e hapur' (anglisht, italisht)*

*Për TRE librat e botuar intervistuar dhe vlerësuar nga Media e shkruar dhe vizive si: TV Klan, TV Planet, Radio Tirana, Gazeta ‘Telegraf’, Gazeta Letrare “Muzgu”, “Drita”, Horoskop” etj.*

*ÇMIM I PARË për Esse dhe Skica në Gazetën Telegraf në Supplementin ‘Pena Shqiptare’, në garën e Personazhit të Vitit 2014.*

***Anëtarësime:***

*Nga viti 2005 e në vazhdim: Anëtare e LNPSHA ”PEGASI” ALBANIA,*

*Anëtare e AKADEMISË ALTERNATIVE PEGASIANE,*

*Sekretare për Marrëdhëniet, Shkëmbimin Universal të Vlerave në Letërsi dhe Art e LNPSHA “PEGASI”.*

*Anëtare bordi, dhe bashkëpunëtore në gazetën ‘Horoskop’,*

*Anëtare e Shoqatës së Miqësisë Shqipëri - Izrael,*

*Anëtare e LANÇ-it.*

***Të dhëna mbi karakterin:***

*Kam aftësi komunikimi, përshtatem shpejt ndaj ambientit; preokupohem shumë pas punës dhe jam shumë rezultative; këmbëngulëse në arritjen e rezultateve, dhe në thellimin e studimeve të mia profesionale si dhe Kërkimeve Shkencore.*

*Kam njohuri të mira në disiplinat e Filozofisë, Shkencave Sociale, Letërsisë, Histori-Filologjisë.*



*Studimi dhe puna është moto ime në jetë!*

~~~~~

**© Pashtriku.org, Tetor'2015**

~~~~~